

Innuttaasut feeriarnermusiassaasa Sulinngiffeqarnermut Inatsit naapertorlugu sulisut sulinngiffeqarneranut takussutissiisumik attaveqarfissanut paasisutissat naammattut pigineqarnerinik qulakkeerinninnissamut periusiliortoqarnissaanik Naalakkersuisut suliaqaqqullugit peqquneqarnissaanik Inatsisartut aalajangiiffigisassaattut siunnersuut.

(Inatsisartunut Ilaasortaq Doris J. Jensen, Siumut)

Siumumiik Doris J. Jensen siunnersuutaanut qutsavingerusupparput.

Siullermik Siumumiik isumaqatingaarput kinaluunniit namminersortuni, pisortaniluunnit sulisoq feriarnissamut periarfissaqassasoq, feriarnermilu akissiarfiaqarnissaminut periarfissaqassasoq.

Feriamulli inatsit aamma inummut annerusumik killersuisariaqanngilaq, tassa pinngitsoorani feriantariaqarnermik imaqarluni. Inuummi nammineq tamanna aaliangersinnaaguniuk pitsaanerpaassaaq, naak siunertaa aamma ajunngittorta qaraluartoq.

Siumumiik isumaqarpugut, inatsit allanngussappat, minnerpaamik tamanna inatsimmi § 20- ip killersuutit iliuuseqarfigineqarsinnaasut.

Siumumiik siunnersuuteqartup Doris J. Jensenip Naalakkersuisunut apeqquteqaateqarnermini paasisimavaa feriasiassat arlaqartut suli tinguneqarsimanngittut, taakkuali ukiut tallimat kingumut suli tinguneqarsinnaaneri nalunaarutigineqarpoq. Siullertut inuup nammineq pisussaaffigaa feriassaguni, suliffeqarfimminut nalunaarutigissallugu, tassuunalu allami sulisimaguni aamma taanna nalunaarfigissallu, ajunngittorsiassat pissagunigit.

Naalakkersuisut akissuteqaataani takujuminaappoq aningaasat qasserpiaat tinguneqanngittuuvissortarnersut. 2016- mi 123.298 kr aaneqanngittoorsimapput, sulilu taakkua aaneqataratarsinnaanerat periarfissaalluni akissutip allannerani. Unammillingassallu angissusaa takujuminaallilluni. 2017- mi aningaasat suli aaneqanngittut 2.55 mio. kr pallipaat, sulili aaneqarsinnaapput, tassa ukiut tallimat sioqqukkaanni.

Aningaasat aaneqanngittoorsimasut aningaasaateqarfinnut tussinnaapput, imaluunnit sulisitsisumut. Tamanna imminermi ajortoqanngilaq, kisinnili pingaaruteqarpoq, inuit qanoq pisinnaatitaaffeqarnertik ilisimaarissangaat. IT- kullu atortorissaarutit aammalu aqutsisoqarfimmi toqqaannaq inuup paasissutissaataai, soorlu konto nr. immaqalu piffimmiik nalusamut nuussimappat, iliuusissat killeqarput.

Siumumiik isumaqapugut pissusissamisoortoq inuk nammineq akisussaassuseqarluni pisinnaatitaaffini atussangaai, tamannali aatsaat atorluarneqarsinnaavoq ilisimaguniuk qanoq pisinnaatitaaffeqarnini. Aap inatsisit atuarneqarsinnaapput, tamannali inuit ilaanut ajornaatsuinnaanngilaq, taamaammat pisariaqarpoq, aqutsisoqarfimmi takusinnaangaanni aammalumi akileraartarnermut, feriami ajunngittorsiassanut il. il. annertunerusumik inunnt nittarsaanikkut paasissutissiisarnissaq pisariaqarluinnarpoq, ataavartumillu ingerlanneqartarnissaa.

Ilaanniluunniimmi eqqarsarnartarpoq, meeqqat atuarfianni ilaatigut tamakkua aninnikikkaluamik ilinniartittissutaasarsinnaangaluartut.

Siumumiik Naalackersuisut sukumiisumik akissuteqaataannut qujarusuppugut aammalu allanguutissatut siunnersuutaat taperserlugu, siunnersuuteqartumullu qujalluta aningaasaqarnermut, akileraartarnermullu ataatsimiisitaliamut suliassaq ingerlateqqillugu.

Kuno Fencker, Siumut.